

## Allannguutissatut siunnersuut

uunga

**Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinneqarneranik Inatsisartut inatsisaat nr. xx, xx. xxx 2017-imeersoq**

Aappassaanernejarnissaanut Naalakkersuisunit saqqummiunneqartoq.

## § 1-imut

1. Siunnersuutip qulequtaata kingorna siunnersuummi ungaluusigaq imatut oqaasertalerneqarpoq "(Inatsisip atuuffianik annikillisitsineq)".
2. Siunnersuummi § 1, nr. 1, allanngortinneqarput "akileraartarnermi inatsit" imaalerlugu "aningaasarsianit akileraarutit pillugit inatsit" aamma "marloriaammik akileraarnissaq pinngitsoorniarlugu isumaqatigiissut" imaalerlugu "marloqiusamik akileraartannginnissamik isumaqatigiissut".
3. Siunnersuummi § 1, nr. 4, imatut oqaasertalerneqarpoq:  
"4. § 8, imm. 1, imatut oqaasertalerneqarpoq:  
"Inuunermut sillimmasiissutinik aamma soraarnerussutisiaqarnissamut ileqqaakkanik, aningaasarsianit akileraarutit pillugit Inatsisartut inatsisaanni § 39 a, imm. 1-imi 2-milu piunasaqaatinik naammassinnittunik, aammalu aaqqissuussinernik, soraarnerussutisiaqarnissamut aaqqissuussinerit il. il. akileraaruserneqartarnerat pillugu danskit inatsisaanni § 53 A-mi, pineqartunik neqerooruteqartut, makku pillugit paasissutissanik akileraaruseriffimmut nalunaaruteqartarnissaannik Naalakkersuisut isumaqatigiissuteqarfigisinnaavaat:  
1) kontumik piginnittut ataasiakkaat aqqi, najugaat aamma cpr-normui,  
2) ukiup aallartinnerani naaneranilu uninngasuutit, aamma  
3) ukiumi iluanaarutit, takuuk § 3."

Siunnersuummut nassuiaatit

**Nassuiaatit nalinginnaasut**

Siunnersuummi siunnersuutip danskisoortaata aamma kalaallisoortaata assigiinngissuteqarneri aaqqinneqarput.

Allanik siunnersuummi allanngortitsisoqanngilaq.

**Aalajangersakkanut ataasiakkaanut nassuiaatit**

*Nr. 1-3-mut*

Siunnersuutini inatsisip oqaasertaasa qallunaatoortai kalaallisoortalu imminut naapertuuttunngortinneqarput.